



NATIONAL SENIOR CERTIFICATE EXAMINATION
NOVEMBER 2021

**SISWATI LULWIMI LWEKUCALA LWEKWENGEA: LIPHEPHA II
SISWATI FIRST ADDITIONAL LANGUAGE: PAPER II**

MARKING GUIDELINES

Sikhatsi: 2½ Emahora

Emamaki: 100

These marking guidelines are prepared for use by examiners and sub-examiners, all of whom are required to attend a standardisation meeting to ensure that the guidelines are consistently interpreted and applied in the marking of candidates' scripts.

The IEB will not enter into any discussions or correspondence about any marking guidelines. It is acknowledged that there may be different views about some matters of emphasis or detail in the guidelines. It is also recognised that, without the benefit of attendance at a standardisation meeting, there may be different interpretations of the application of the marking guidelines.

SIGABA A TEMIBHALO

UMBUTO 1 UMDLALO

TENTILE

- 1.1 Batali baTentile baye eMbabane ekhaboVeli Ndwandwe kuyohlanganyela nabo enkonzweni yekumkhumbula.
- 1.2 Babe wakhe Nkhambule akamcoleli ngalesento sakhe sekubulalisa Veli/uma abuka lomntfwana ukhumbula Veli nendlela lafe ngayo/bantfu bayamsola ngekufa kwaVeli/akakhoni kuticolela ngekufelwa nguVeli. (Kubili kwaloku, naleminye imibono lenembako yemukelekile.)
- 1.3 Kuyindlela yekukhomba inhlonipho kuloyo lophocakele/kungenteka abanaso sibindzi sekukhuluma ngenca yalesehlakalo/ indvuna itfunywe ngumphakatsi kutsi ikhulumele bakaNkhambule. (Kubili kwaloku, naleminye imibono lenembako yemukelekile.)
- 1.4 Angakhuliswa ngumngani wakhe Rosemary ngoba uyabatsandza bantfwana futsi abengumngani waTentile naVeli/angakhuliswa batali baVeli ngobe bavumile kutsi ungumntfwanabo/angakhuliswa batali baTentile ngobe bete umntfwana lomunye sebangasala nalomtukulu wabo. (Kunye kwaloku.)
- 1.5 Unenhlitiyo lenhle/walunga/uyabatsandza bantfu/uyacolelana/uyesekelana ngaso sonkhe sikhatsi/ulusito kubantfu labanyenti/akanawo umona. (Kutsatfu kwaloku, naleminye imibono lenembako yemukelekile.)
- 1.6 Liyasita kutsi batali batfole tinkhomo temalobolo/lisita tintfombi kutsi tingagugeli emakhaya/ungatfolo umendvo lokahle ngobe wendziwa endvodzeni lekwatiko kuphatsa umndeni wayo/lisita tintfombi kutsi tingakhulelwa tisengakatsatfwa. (Leminye imibono lenembako yemukelekile.)

UMBUTO 2 INDZABAMBHALO LEMFISHA

Nankha emaphuzu lekungacocwa ngawo:

- Tentile
 - Ulahla litfuba lekufundza, akatimiseli uze uyise uyamkhipha esikolweni.
 - Ubalekela uyise nakatsi ufuna kumendzisa kuSimelane.
 - Batali bakhe bamentela konkhe, akanaso sidzingo sekuyosebenta.
 - Utfola emalanga lamanyenti elivi, uya kuyohlala ekhaboVeli, akayi ekhaya kubo.
 - Utsandzana naVeli, umuntfu lofundzile lotimisele kumtsatsa amente umfati.
 - Utfola imiyalo kuRosemary ngaso sonkhe sikhatsi, kodvwa akalaleli.
- Rosemary
 - Ute batali lebangamendzisa kantsi uyafisa kwendza.
 - Bafana abamtsandzeli kumenta umfati njengaVeli lofuna kutsatsa Tentile amente umfati nacedza kufundza.
 - Uyafisa kuba nemntfwana kodvwa akakhoni kukhulelwa.
 - Unesifiso sekuba nelikhaya nebatali labamkhatsalelako.

Sakhiwo nelulwini: (5)

Lokucuketfwe: (10)

UMBUTO 3 INKHULUMISWANO

Nankha emaphuzu lekungacocwa ngawo:

- Bayavuselana.
- Bakhuluma ngekunyeneyeta ungakashanyeli.
- LaMatsebula ukhuluma ngemendvo.
- LaMatsebula ukhuluma ngaSimelane labafuna kumendzisa kuye.
- Tentile utsi akafuni kwendziswa ufuna kutikhetsela.
- LaMatsebula uyachaza kutsi kuye ngani bakhetsa Simelane, nebuhle bekwendziswa.
- Tentile akayifuni indzaba yekwendziswa.
- LaMatsebula uyaveta kutsi beva buhlungu Tentile nabangwa bafana bendzawo, utawuze onakalele ekhaya.
- Tentile uyaveta kutsi kuncono eduke nelive.
- LaMatsebula uyobikela Nkhambule loko lokushiwo nguTentile mayelana nekwendziswa.

Bafundzi bangengeta kuloluhla lolungenhla.

Sakhiwo nelulwini: (3)

Lokucuketfwe: (7)

UMBUTO 4 INDZABAMBHALO LENDZE

4.1 Bahlolwa bangasebentisa lamaphuzu lalandzelako:

- Akatimiseli esikolweni lokwenta kutsi uyise agcine amkhipha ngoba uyafeyila, ucitsa imali yaNkhambule.
- Bafana bayambanga emmangweni, ulihatsa.
- Uyabaleka ekhaya acambe emanga atsi uya kagogo wakhe esikhundleni sekutsi ahlale ekhaya.
- Uyofuna umsebenti kantsi batali bakhe bamentela konkhe.
- Ufike agane bafana labatsatfu boMzimela, Mphikeleli naVeli.
- Uvumela labafana kutsi bete endlini kakhe nangabe bafuna.
- Ngesikhatsi aselivini akayanga ekhaya kodvwa waya kuyohlala naVeli eMbabane.
- Ubikela labafana labatsatfu kutsi ukhulelwe kantsi phela uyati kutsi uyise wemntfwana nguVeli.
- Wetsembisa Mzimela kutsi utawuletsa umntfwana nasabelekile.
- Utsatsa imali yaMzimela, leyenta kutsi Mzimela ahambe ayomfuna ekhaboMphikeleli.
- Umikisa umntfwana kuMphikeleli kantsi uyati kutsi akasuye uyise waTumekile.

Bafundzi bangengeta kuloluhla lolungenhla.

NOBE

4.2 Bahlolwa bangasebentisa lamaphuzu lalandzelako:

- Uma ungafuni kutjelwa ubona ngemphumela lomubi wekungalaleli.
- Buhatsa buletselana lusizi.
- Uboyilalela imiyalo yalabanye ngobe ingakusita.
- Uma unelicala awutikhulumeli.
- Satelo siyakudla uma wente lokubi.
- Sisu sentfombi siyabikwa.
- Imali yimphandze yesono.
- Ungabenti tilima bantfu, utitjele kutsi wena usihlakaniphi.
- Kuphilelana nabomakhelwane kubalulekile.
- Kukhulumisana emshadweni kuyasita kusombulula tinkinga.
- Kuhloniphana nangabe nitsetsene kwenta niphilisane ngekuthula.

Bafundzi bangengeta ngaletinye tigameko labatitfole emdlalweni, besekele.

Sakhiwo nelulwimi: (8)

Lokucuketfwe: (12)

SIGABA B EMATHEKSTHI EMIBHALOMBIKO

UMBUTO 5 INCWADZI YEBUNGANI

(a) Lokucuketfwe: (12)

Incwadzi kufanele ikhombise kuticambela, ihambisane nesihloko, ibe nemibono lekhutsata kucabanga nalevutsiwe, ihehe.

- Licophelo lekuticambela lingemalengiso, inkhulumo inamatsele esihlokwani, nemibono ikhutsata kucabanga, ivutsiwe futsi iyaheha ngemalengiso.
- Lizinga lekuticambela ngalokuncomekako, inkhulumo ihambisana nesihloko nemibono, inekujula kwemcondvo futsi iheha ngalokuncomekako.
- Imibono iyajabulisa, inekuticambela lokulingene, ihambisana nesihloko ngalokulingene.
- Licophelo lekuticambela liphasi, indzaba iyanhlanhlatsa, imibono ayinamdlandla.

(b) Lulwimi: (12)

Kwakha imisho, kukhetsa emagama, umoya nerejista, lupelomagama, kusebentisa timphawu.

- Imisho yakheke ngemalengiso, emagama akhetfwe ngalokufanele, umoya nerejista kuhambisana nenhloso netetsamelilwati ngemalengiso, kukhetfwa kwemagama kungemalengiso futsi kuvutsiwe, incwadzi ayinamaphutsa elupelomagama netimphawu tisetjentiswe ngalokufanele.
- Imisho yakheke ngalokuncomekako, kunebugagu ekukhetfweni kwemagama, umoya nerejista kuhambisana nenhloso netetsamelilwati ngalokuncomekako, incwadzi ayinamaphutsa lamanyenti elupelomagama netimphawu tisetjentiswe ngemphumelelo.
- Imisho ingahle ibe nemaphutsa kuletinye tindzawo kepha incwadzi yona iyevakala, emagama akhetfwe ngalokulingene, kusetjentiswe lulwimi lolumalula, kunemaphutsa lambalwa elupelomagama.
- Imisho ihlangahlangene, kukhetfwa kwemagama akwemukeleki, incwadzi inemaphutsa lamanyenti kakhulu kuto tonkhe tinhlangotsi.

(c) Sakhiwo (6)

Sibingelelo (2)
Sihloko (2)
Sivaleliso (2)

UMBUTO 6

TICONDZISO (10)

SIBONELO SALOKUFANELE KUVELE ETICONDZISWENI:

Kugezwa kwetandla ngensipho nemanti. Kuchelelana, kufakwa kwetifonyo, kungahlanganyeli ndzawonye nebantfu labanyenti, kubingelelana ngetingcoza, kungachawulani sanhlabo, kungasondzeli kumuntfu lokhombisa timphawu temkhuhlane. (Leminye imibono lenembako yemukelekile.)

(a) Lokucuketfwe (4)

- Kuhambisana nesihloko ngemalengiso. Imininingwane ledzingekako iphelele, iyevakala futsi ichazwe kahle kakhulu.
- Kuhambisana nesihloko ngalokuncomekako. Imininingwane leminyenti ledzingekako iphelele, iyevakala futsi ichazwe kahle.
- Kuhambisana nesihloko ngalokulingene. Incenye yemininingwane ledzingekako ifakiwe, iyevakala futsi ichazwe ngalokulingene.
- Tiphumile esihlokweni neminingwane ayivakali.

(b) Sakhiwo (2)

- Tihleleke tetfulwa ngalokuhehako ngemalengiso, umlayeto ugcamile, wetfulwe ngebunono nangendlela letsintsa imiva ngemalengiso.
- Atihehi futsi atikahleleki kahle nemlayeto awukagcamile.

(c) Lulwimi (4)

- Lulwimi loluhehako, lolungenamaphutsa, lolunongiwe luhambelana neticondziso netetsamelilwati, umlayeto uvakala ngemalengiso.
- Lulwimi loluhehako lolungenamaphutsa, luhambelana neticondziso netetsamelilwati, umlayeto uvakala ngalokuncomekako.
- Lulwimi lolungahehi lolungenamaphutsa, luhambelana neticondziso netetsamelilwati ngalokulingene, umlayeto uvakala ngalokulingene.
- Lulwimi lolungahehi, lolunemaphutsa, aluhambelani neticondziso netetsamelilwati, umlayeto awuvakali.

Samba: 100 Emamaki